

دائرة مخصوصه

درسعادتده باب عالی جوارنده

محل اداره :

مشرط القلم

۱۳۲۶

اخطار :

مسئکمزه موافق آثار جديده مع المنوويه
قبول اولنور

درج اينده بن آثار اعاده اولنور

ديره، فلسفه، علوم، حقوق، ادبياتده و سياسياتده و بالخاصه كرك سياسي و كرك اجتماعي و مدني احوال و مشورده اسلاميه و ده بحث ايدر و هفته ده بر نشر از انور.

آبونه بدلی

سنه لکی التي آیلنی

ممالك عثمانیه ایچون	۸۰	۴۰	غروش
روسیه	»	۶۰۵	۳۰۵ روبله
سائر ممالك اجنبیه	»	۱۷	۹ فرانق

صاحب و مؤسسلی :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

درسعادتده نسخه سی ۵۰ پاره در

قیرله دن مقوا بورو ایله کوندریلیر سه سنوی

۲۰ غروش فضله آلنیر

دردنجی جلد

۳ جمادی الاول ۳۲۸ پنجمیه ۲۹ نیشان ۳۲۶

عدد : ۸۸

بحریه شرقیسی

دریا که وطن نامی آلاں مادر مژدر ،
هر قطره سی باقسه ک کره دیگر مژدر ،
هر موج سی تابوت سما پیکر مژدر ،
هر جوشی اللهه واران مقبر مژدر .

بر فردمزا اولدجه یاشار بر قوجه ملت ..
کیتک ابدی عمر ایله عقبایه نه دوات !
دنیا لر قالسین ینه دنیا ده کی ذات !
یوق با صدیغمز یرده بیله خاک مذلت !

هر میتمز یاتمه ده ، نعلنده کفن یوق :
بر روح مجرد که او ، دوشنده بدن یوق .
باق قبر حزیلنده بیله خاک وطن یوق ،
بر مقبری یوق ، زائری یوق ، ماتم ایدن یوق !

لکن بو وطن خاک مزار اولمایه گلز ،
طوپراقسه ده طوپراق کی خوار اولمایه گلز !
ملت هله بر زائر زار اولمایه گلز ،
آتی که سحر در ، شب تار اولمایه گلز .

دوندجه اجل شوق ایله پیر امنم زده ،
دو نمز یوروروز قانلی کفن کردم زده !
خوناب شهادت لکسز دامم زده :
انوار شفقدیر ییقانیر صانکه دکی زده !

کیرمش یاتیمور قلب وفادارینه اجداد ..
دریا بزه بیکانه دکل ، مقبر معتاد !
هر موج پاکنده نهان بر ابدی یاد ،
بر یاد شهامت که اونوتماز اونی احقاد .

انسانده ده ، طوپراقده ده ، هر یرده وطن وار :
باق عنصر خا کیسنه ، مادرده وطن وار ؛
باق خاک سپهرنکنه ، مقبرده وطن وار ؛
کوکلرده بویوک عرش ایسه ، یرلرده وطن وار !

اولمزه ک اکر ملت ایچون شانلر مزله :
فریاد ایدرز خالقه عسائلر مزله ،
طوفانلری تصویر قیلان قانلر مزله .
بر صاعقه شکلنده کی وجدانلر مزله .

آفاق شهادتده یوزن روح نجیبه
دنیا ده مزار اولمایه شایسته می کعبه ؟

عرش اولمالیدر یرده قالان نعلنه تربه ،
قرآن ده خطاب ازلیسیله کتابه !

مدحت جمال

لطائفه :

أبان ایله اعرابی

حضرت عثمان نه قدر آغیر باشلی ، نه قدر حلیم ایسه اوغلی أبان ده
بالعکس او قدر هزله مائل ، او قدر خفیف ایمش !
کونک برنده مشهور اشعب ایله برابر قیرده او طورور کن قارشیدن
دوه سی یده کنده براعرابی ظهور ایتش که انکرك ییلانی کی اطرافه
زهر یوسکورر ، یاننه کی مسه پی صوقاز ، او کنه کلنی ایصیرر ، آرقه سنه
صوقولانی تیرمش !

— شو جهنم یوزلی حریف بادیه دن گلش اوله جق .. فنا اکلنجه
دکل .. مساعده ایدرسه کز چاغیرده لم ده براز قیزدیرمه ..
— های های !

أبانک آدم لرندن بری اعرابی به « امیر أبان بن عثمان سنی یاننه
دعوت ایدیور » دینجه اعرابی اجابت ایتش ، سلام ویره رک أبانک
قارشیننه چو کش . أبان حریفه قبیله سنی ، نسبی صورتش ؛ یالاندن
خصم چیقمش :

— نه ای تصادف اسنک شودوه کی بردوه ایدنک ایسته یوردم .
بو قدر زماندر آراتدم ، بردورلو بولونمادی . دیمک که اقر بامدن بریسیله
اخذوا عطاده بولونه جقمشم .. اوت ، اوت تام بورنکده ، بوارتفاعده ،
بویاشده ، بوقالبده بر حیوان آرامشدم . صاتارمیسک ؟
— صاتارم یا امیر !

— یک اعلا ! بن ده سکا یوز آلتون ویریم .
اون آلتوندن اون پاره فضله دگری اولمایان دوه سنه یوز آلتون
ویرلدیکنی ایشیدنجه اعرابینک عبوس چهره سنده حرص ایله سرور
برق ایله ظلمت کی هم آهنگ ظهور اولمش .
أبان اشعبک قولاغنه اکیله رک « بزم خصم سزک عائله به یک یابانچی
دگلش ! هایدی باقم هنریکی کوستر ! » دیمش .

— باقسه ک آدانی ، امیر حضرتلری سنک دوه کلک آلتش ایرادن
فضله ایتیه جکنی بیامیور ظن ایتیه ! قرق لیرا فضله ویرمی هم سنی
سودیکدن ، هم ده یاننده پاره اولمادینی ایچون نقد یرینه مال ویرمک
ایستدیکنددر ، راضیسک دکلی ؟

— راضی یم .

اشعب بر آرهلق غائب اولمش صکره قولتوغنده بر بوغچه
اولدینی حالده چیقه گلش . أبان : کتیردیکک امتعه پی برر برر چیقاروب
قیمتلی ایله برلکده یازدیر ، دینجه اشعب اولاسکی بر صاریق پارچه سی
چیقارمش :

— امیر حضرتلرینک مبارک عمامه لری ! کنیدیلری جمعه ، بایرام

عد اولیور . فقط بزه قالیرسه حقیقت بویه دکدر . شرائط محیطیه موافقه تغیر ایتدیکجه منبه اوله ماز . حرارت درجه مناسبه ده (منبه) دکدر . فقط بودرجه نك فوق ویا تحتی منبه اوله بیلور . کذا محیط خارجیه بولان مولد الحوضه نك نسبتی نسبت مطلوبه دن زیاده ویا آز اولدیکجه منبه اوله ماز . یالکیز حال موافق و مطلوبیک فوق ویا تحتنده در که ذوی الحیاتده بر فرط فعالیت ، بر میل تدافع ، بر تعامل حصوله کلیر . اگر تغیرات یک زیاده ایلری کیدرسه فعالیت حیاتییه ضعیفلا نیرونهایت توقف ایدر . ایشته محیطک بوشرائط مفرطه ویا متناقصه سی حقیقی منبهات اوله بیلور و بونک تحریک ایتدیکی تعاملاته دخی (تنبه) دنیلیر . اشکال قدرت ویا مواد کیمیویودن متشکل بر صنف منبهات دهواردر که بونلر محیط موافقه موجود دکلدرد . مثلاً : الکتریکی ، اعصاب وعضلات ایچون حقیقی بر منبهدر . سموم مختلفه ، انساجک حجیرات مختلفه سنی تنبه ایدرلر . بوصنف منبهات ایچون بر حال ، بر درجه موافقه یوقدر . بلکه بونک حال موافق مفقودیتلیردر . ایشته بوصفک فوقنده ابتدا علائم حیاتییه نك فرط فعالیتی بعده تعاملاتک تناقص شدتی (یورغناقی) ونهایت فلج وموت حصوله کلیر . شرائط غیر طبیعییه نك یورغوناق تولید ایتسی (بر فعالیت متمادییه بی متعاقب تعاملاتک تناقص شدتی واحتیاط غذائیک توکبسی) ادعایزه بر دلیل اوله بیلور . زیرا شرائط محیطیه موافقه ده یورغناقی حصوله کلر . فی الحقیقه نه رطوبت ، نه حرارت نه مولد الحوضه ، نه اغدیه محیطده نسبت معتدله ومطلوبه ده بولندیکجه ذوی الحیات یورمازلر . شرائط متغیره ویا غیر طبیعییه ایله شرائط موافقه قاریشیدریلور . بوقاریشیقلاغک باشامیجه نتیجه سی یکدیگره بکزه میان اشیا اره سنه کیره رک برخطایه سببیت ویرمیدر . فی الحقیقه بوندن عطالتک موجودیتی ذوی الحیاتک عدم مختاریتی وبونقطه نظر دن اجسام جامده نك عینی اولدینی استنتاج اولیور .

موسیو (داستر) : « قانون عطالت جماداته مخصوص دکدر . اجسام ذی حیاتده تطبیق اولنور . انلرده کوریان اختیار ، ظاهری وبروهم خیالیدر . بتون فیزیولوژی انی تکذیب ایدر » دیور مع التأسف بو حال ، عرض ایتدیکم قاریشیقلاغک نتیجه سیدر . مختاریتی تکذیب ایدن فیزیولوژی دکل ، بعض فیزیولوژیستلردر . بر بیضه ملقه نك ونشوووما بولان بررشیمک وعمومیتله شرائط محیطیه مناسبیه قونیلان بتون ذوی الحیاتک مختاریتی فصل انکار اولنه بیلور . فی الحقیقه اختیار ، بر تاثیر خارجیدن آیری ومستقل بر فعالیتک نظاهریدر . اگر شخص ذی حیاتدن کندی مختاریتی اثبات ایتسی ایستیلیرسه فعالیتنه لازم اولان شرائط یعنی محیط موافقی دریغ ایتاملیدر . ذی حیاتک فعالیتی دائمی وثابت برغاییه متوجه اولان افعال تشکیلیه وحادثات فیزیولوژییه دن عبارتدر . بو افعال وحادثات اساساً ماده وقوتک تحولدن بشقه برشی دکدر . ونسبات معینه ده ماده وقوت اولمازسه تغیر آخرله محیط موافق بولمازسه بو افعال وحادثاتی اجرا ایده مر .

بر رسامه (رسم بیلدیگکیزی اثبات ایدیکیز) دنیلیر و عینی زمانده

نمازلنده بو عمامه بی صاردقلری کی خلفا حضورینه ده بونکله چیقارلر...
اللی التون !

اشعب یاننده کیلرندن برینه « هایدی بونی بر طرفه قیدایت » دییه رک بوغویه تکرار الی صوقش . اصرابی غیظندن باطلا مقدرجه سنه کلش ایسه ده نطق طوتلیدن برشی سویله یه مه مش .

اشعب بوسفر یاری بلنه قدریاغ باغلامش اسکی بر تاقیه چیقارمش :
— امیر حضرتلرینک مبارک تاقیه لری ! بش وقت نمازی ادا ، ناس آردسنده عدل ایله قضا ایدرکن بونی کیلرلر . قیمتی تقدیرمدن خارج ایسه ده هایدی اوتوز آلتون دییه لم ! بونی ده اوتنه کینک الته یازیکنر .

اصرا بینک یوزی بوسبوتون قورقونج بر نك باغلامش ، کوزلری جوفندن طیشاری اوغرامش ؛ آتیلیمق ایستمش ، لکن کندینی طوته رق او طور دینی یرده دلی دوه کی خوموردانمایه باشلامش .

اشعب اوستی یرتیق ، آلتی دلیک ایکی بابوج اسکسی چیقارده رق :
— امیر حضرتلرینک مبارک نعلینی ! جماعت مسلمینه قارشو اوبلیغ خطبه لری انشاد ایدرکن بومقدس نعلینه سوار اولورلر ! بیلمم ، نه قیمت قویه لم ؟ هایدی قرق التون اولسون !

آبان ، اصرابییه ماللرینی طویلامسنی ، یاننده کیلردن برینه دوه بی چکوب کتیرمسنی ، بر دیکرینه ده اصرابینک ذمتته کچن یکریمی التونی آلمسنی اصرایتش . اصرابی آرتق طورده مایه رق هان او کندیکی صاریق ، تاقیه ، بابوج پارچه لری درلیوب طویلا یوب اولانجه قوتیله حاضر بولنلرک یوزینه چارمش ، دوه سنک یولارینی طوته رق ایستین حریفک النذن اویله بر چکمش که آزدها بی چارنک قولی قویورمش ؛ صوکره دونوب آبانه شوسوزلری سویله مش :

— بیلیرمیسک بن نه دن اولورم ؟

— خایر !

— بابان عثمانه یتیشه مدم که قاتلرری آره سنه کره میمه دنیا یه سنک کی بر اولاد کتیردیکی ایچون بن ده قاننه اشتراک ایده می !
آبان اصرابینک بوتهورینه ، بوسوزینه او قدر کولمش که کندینی طوته میه رق یرلره سریش .

صکره لری اصرابی اشعبه راست کلدیکجه (سنی قحبه نك طوغوردینی سنی ! طورده امیرک متاعلرینی اوجوز اوجوز ستمه بی سکاوا کره تمیم) دیر ، اشعب ایسه طبانی قالدیرر ، قاجارمش !

محمد عاکف

فلسفه حیات

یاخود اثبات واجب

منبهات — اختیار — جماداته غایت

محیطک شرائط موافقه سی بعض فیزیولوژیستلر ایچون منبهاتدن